



U P U T S T V O
za rad skupljača lopti i brisača terena
na odbojkaškim utakmicama

Sarajevo, jun 2019. godine

Na osnovu člana 49. Propozicija takmičenju u OS BiH Premijer liga BiH, direktor takmičenja OS BiH donosi

U P U T S T V O

za rad skupljača lopti i brisača terena na odbojkaškim utakmicama

A) SKUPLJAČI LOPTI

1. S A S T A V

1.1. Za utakmice stalnih takmičenja u organizaciji OS BiH, klub domaćin dužan je obezbijediti skupljanje lopti sa najmanje 5 skupljača starosne dobi 12 i više godina.

1.2. Položaj skupljača lopti prikazan je na Šematskom prikazu terena sa rasporedom brisača i skupljača lopti koji je sastavni dio Uputstva.

2. D U Ž N O S T

2.1. Prije početka utakmice

- Skupljači lopti dužni su doći u sportsku dvoranu najkasnije 30 minuta prije početka utakmice i javiti se zvaničnom predstavniku kluba na utakmici.

- Zvanični predstavnik kluba skupljače upoznaje sa obavezama i zadacima na utakmici, zadužuje ih potrebnom opremom, uvodi u dvoranu i raspoređuje na odgovarajuća mjesta – položaje u slobodnoj zoni:

- 4 skupljača u uglovima slobodne zone,

- 1 skupljač u slobodnoj zoni, iza platforme prvog sudije.

2.2. Za vrijeme utakmice

- Po završetku svakog nadigravanja prikupljaju-prihvataju loptu kojom je nadigravanje završeno i upućuju je do onog skupljača u uglu slobodne zone koji trenutno nije u posjedu lopte.

- Razmjenu lopti između sebe skupljači vrše isključivo kotrljajući loptu po podlozi, neposredno uz ivicu slobodne zone.

- Po jedan skupljač u uglovima slobodne zone sa svake strane terena mora u svakom trenutku biti u posjedu lopte kako bi je po potrebi obrisao i dodao serveru.

- Obaveza skupljača je da loptu obriše i osuši, a potom doda serveru tek kada se server nađe u zoni za serviranje.

- Skupljač ne smije serveru dodati loptu kojom se upravo završilo nadigravanje već mora ispoštovati obavezu da se novo nadigravanje mora odigrati drugom (slobodnom) loptom (izvršenje ove obaveze kontroliše prvi sudija).

- Skupljač u svakom trenutku mora biti odgovoran, koncentrisan i pažljiv kako bi se zbog pogreške izbjeglo novo nadigravanje ili povrede odbojkaša-ica.

- U trenucima kada ne obavljaju svoju obavezu, skupljači sjede na stolicama.

2.3. Po završetku utakmice

- Skupljači lopti napuštaju svoja mjesta, vraćaju zaduženu opremu zvaničnom predstavniku kluba i odlaze iz dvorane.

3. ODGOVORNOST

3.1. Za odgovoran i uspješan rad i korektno ponašanje skupljača lopti na utakmici odgovoran je zvanični predstavnik kluba.

3.2. Prvi sudija obavezno nadgleda rad skupljača lopti.

4. OPREMA

4.1. Oprema za rad skupljača lopti:

- Odgovarajuća jednobrazna sportska oprema (majica, donji dio trenerke i patike ili komplet trenerka i patike ili prsluk-marker, donji dio trenerke i patike),

- 4 pamučna-frotirna peškira za brisanje lopti,

- 5 plastičnih stolica.

B) BRISAČI TERENA

1. SASTAV

1.1. Za utakmice stalnih takmičenja u organizaciji OS BiH, klub domaćin dužan je obezbijediti brisanje terena sa 4 brza brisača starosne dobi 14 i više godina.

1.2. Položaj brisača terena prikazan je na Šematskom prikazu terena sa rasporedom brisača i skupljača lopti koji je sastavni dio Uputstva.

2. DUŽNOST

2.1. Prije početka utakmice

- Brisači terena dužni su doći u sportsku dvoranu najkasnije 30 minuta prije početka utakmice i javiti se zvaničnom predstavniku kluba na utakmici.

- Zvanični predstavnik kluba brisače upoznaje sa obavezama i zadacima na utakmici, zadužuje ih potrebnom opremom, uvodi u dvoranu i raspoređuje na odgovarajuća mjesta–položaje u slobodnoj zoni:

- 2 brza brisača ispred (eventualno pored) zapisničkog stola, po jednog za svaku stranu terena,

- 2 brza brisača u uglove slobodne zone u blizini zona za zagrijavanje.

2.2. Za vrijeme utakmice

- Brzi brisači sjede na svojim mjestima aktivno prateći igru. Reaguju ukoliko se pojavi bilo kakva mrlja na terenu (nakon pada odbojkaša-ica i sl.) utrčavajući u teren za vrijeme prekida, između dva nadigravanja (nakon sudijskog zvižduka koji označava kraj ili prekid nadigravanja) bez posebnog odobrenja sudije ali uz prethodno podignutu ruku, kako bi sudijama dali do znanja da su uočili mrlju i kako bi ih sudije sačekale do okončanja brisanja. Brzo brišu teren i nakon brisanja istrčavaju sa terena preko najbliže linije terena, te kroz slobodnu zonu odlaze na svoje mjesto.

- Brzi brisači ne mogu brisati teren po zahtjevu odbojkaša-ica, a ponovno brisanje terena samo iznimno može dozvoliti–odobriti drugi sudija.

2.3. Po završetku utakmice

- Bristači terena napuštaju svoja mjesta, vraćaju zaduženu opremu zvaničnom predstavniku kluba i odlaze iz dvorane.

3. O D G O V O R N O S T

3.1. Za odgovoran i uspješan rad i korektno ponašanje brisača na utakmici odgovoran je zvanični predstavnik kluba.

3.2. Prvi sudija obavezno nadgleda rad brisača terena.

4. O P R E M A

4.1. Oprema za rad brisača terena:

- Odgovarajuća jednobrazna sportska oprema (majica, šorc i patike ili komplet trenerka i patike ili prsluk-marker, donji dio trenerke i patike),
- 4 pamučna-frotirna peškira za brze brisače,
- 4 plastične stolice.

C) O B A V E Z A K L U B O V A

1. Obaveza je klubova da organizuju kvalitetan rad skupljača lopti i brisača terena.

1.1. Prije početka takmičarske sezone i u polusezoni jedan od trenera u klubu dužan je provesti jednosatnu edukaciju skupljača i brisača terena (teorijsku i praktičnu), a na isti način edukovati i sve druge koji naknadno budu uključeni u obavljanje ovih dužnosti.

1.2. U slučaju da neko od skupljača i brisača terena ne obavlja svoju dužnost pravilno, iste zamijeniti i onemogućiti njihovo dalje angažovanje.

Broj: 01/3-268/19

Datum, 30.06.2018. godine

DIREKTOR TAKMIČENJA

Nikola Košević, s.r.

